









# প্রিন্স উইলিয়াম 'আমাকে ধাক্কা মেরে ফেলে দিয়েছেন' বললেন প্রিন্স হ্যারি

লন্ডন : প্রিন্স হ্যারি দাবি করেছেন তার ভাই প্রিন্স উইলিয়াম তাকে শারীরিকভাবে আক্রমণ করেছেন। রাজা চার্লস ও প্রিন্সেস ডায়ানা'র ছোট ছেলে প্রিন্স হ্যারি তার আত্মকথা 'স্পেসয়ার'এ একথা লিখেছেন বলে জানাচ্ছে ব্রিটেনের পত্রিকা দ্যা গার্ডিয়ান। পত্রিকাটি বলছে তারা বইটির একটি অগ্রিম কপি হাতে পেয়েছে।

সংবাদপত্রে বলা হয়েছে বইয়ে হ্যারির স্ত্রী মেগানকে নিয়ে দুই ভাইয়ের মধ্যে বাগড়ার জেরে এই ঘটনা ঘটে।

ও আমার জামার কলার চেপে ধরে, আমার গলার নেকলেস ছিঁড়ে ফেলে, এবং আমাকে ধাক্কা দিয়ে মাটিতে ফেলে দেয়, প্রিন্স হ্যারিকে উদ্ধৃত করে লিখেছে দ্যা গার্ডিয়ান।

প্রিন্স উইলিয়ামের সরকারি বাসভবন কেনসিংটন প্রাসাদ, এবং বাকিংহাম প্রাসাদ দু'জায়গা থেকেই বলা হয়েছে তারা এ বিষয়ে কোন মন্তব্য করবে না।

কেনসিংটন প্রাসাদ প্রিন্স উইলিয়ামের মুখপাত্র এবং রাজা চার্লসের মুখপাত্র বাকিংহাম প্রাসাদ মনে হয় এই নীতি গ্রহণ করেছে যে, কোন বিতর্কিত মন্তব্য নিয়ে কোন প্রতিক্রিয়া না দিলে তা নিয়ে উত্তেজনা দ্রুত থিতুয়ে যায়।

ইতোমধ্যে ব্রিটেনের বেসরকারি টিভি চ্যানেল আইটিভিকে দেয়া প্রিন্স হ্যারির একটি সাক্ষাৎকার প্রচারের আগে তার আগাম একটি ক্লিপে তাকে বলতে শোনা গেছে, মে মাসে রাজা চার্লসের অভিমুখে তিনি যোগ দেবেন কিনা সে বিষয়ে তিনি এখনই কথা দিতে পারছেন না। তিনি বলেন, এখন এবং মে মাসের মধ্যে অনেক কিছুই ঘটতে পারে এবং বিষয়টা রাজ পরিবারের ওপর নির্ভর করছে। ডিউক অফ সাসেক্স, প্রিন্স হ্যারির আত্মকথা প্রকাশিত হবে আগামী মঙ্গলবার। কিন্তু গার্ডিয়ান বলছে তাদের ভাষায় বই প্রকাশের আগে কঠোর নিরাপত্তার মধ্যেই তারা বইটির একটি আগাম কপি সংগ্রহ করেছে।

তবে বিবিসি নিউজ এখনও 'স্পেসয়ার'এর কপি হাত



পায়নি। গার্ডিয়ান বলছে, বইটিতে বলা হয়েছে ২০১৯ সালে প্রিন্স উইলিয়াম তার বাসায় প্রিন্স হ্যারির কাছে একটি মন্তব্য করলে এই বিতণ্ডার সূত্রপাত হয়।

পত্রিকা লিখেছে, বইয়ে প্রিন্স হ্যারি লিখেছেন যে তার ভাই মেগান মার্কেলের সঙ্গে তার বিয়ের সমালোচনা করেন এবং প্রিন্স হ্যারি মেগান মার্কেলকে জটিল, অভদ্র এবং রক্ষ বলে বর্ণনা করেন।

বলা হচ্ছে ডিউক অফ সাসেক্স লিখেছেন দু'ভাইয়ের মধ্যে দ্বন্দ্ব বাড়লে তার বড় ভাই প্রিন্স হ্যারির প্রচার বিভাগের কথাগুলোই তোতা পাখির বুলির মত আওড়ান।

প্রিন্স হ্যারিকে উদ্ধৃত করে পত্রিকা জানাচ্ছে ওই দিনের ঘটনায় এরপর যা যা ঘটেছিল, যার মধ্যে ছিল শারীরিকভাবে ধাক্কাধাক্কির ঘটনা।

ও জলের গ্লাসটা রাখল, তারপর আমাকে আরেকটা গালি দিল, তারপর আমার দিকে এগিয়ে এল। সবকিছু খুব দ্রুত ঘটে গেল। অতি দ্রুত।

ও আমার জামার কলার চেপে ধরল, আমার গলার হারটা ছিঁড়ে ফেলল, তারপর আমাকে ধাক্কা দিয়ে মাটিতে ফেলে দিল। কুকুরের খাবারের জন্য মেঝেতে যে বাটি রাখা ছিল, আমি তার ওপর পড়ে গেলাম।

বাটিটা আমার শরীরের নিচে ভেঙে গেল। ভাঙা টুকরোগুলো আমার শরীরে ফুটছিল। এক মুহূর্তের জন্য আমি সেখানে পড়ে রইলাম। আমি হতভয় হয়ে গিয়েছিলাম। এরপর আমি উঠে দাঁড়লাম। ওকে বললাম দূর হও।

এই ঘটনা পরিবারের মধ্যে কলহের একটা নিরানন্দ চিত্র তুলে ধরেছে। যে কলহ ব্রিটিশ রাজ পরিবারের একেবারে কেন্দ্রে এবং যেখানে আপোষের কোন ইঙ্গিত নেই।

পত্রিকায় এই কাহিনিটি লিখেছেন আমেরিকায় গার্ডিয়ান পত্রিকার ওয়েবসাইটের সাংবাদিক মার্টিন পেনগিলি। তিনি বলছেন তিনি প্রিন্স উইলিয়ামের যোগাযোগ দপ্তরের সাথে এনিময়ে কথা বলেননি।

সংবাদদাতা বলেছেন তার নিবন্ধটি হ্যারির বই নিয়ে প্রতিবেদন, যে বইটি হ্যারি লিখেছেন যে বইয়ের বক্তব্য হ্যারির দেয়া ঘটনার বিবরণ।

মি. পেনগিলি বিবিসির রেডিও ফাইভ লাইভ অনুষ্ঠানে বলেন এ ঘটনার খবর রিপোর্ট করতে গিয়ে আমরা খুবই সাবধানতার সাথে এটাকে লড়াই বলিনি, কারণে হ্যারি বলেছেন তিনি শারীরিকভাবে কোন সংঘাতে যাননি।

প্রিন্স হ্যারি তার বইয়ে লিখেছেন যে তার ভাই তাকে বলেছিলেন - তুমিও আমাকে পাল্টা আঘাত করো, কিন্তু তিনি তা করতে অস্বীকার করেন - লিখেছে গার্ডিয়ান পত্রিকা এবং হ্যারিকে উদ্ধৃত করে লিখেছে, প্রিন্স উইলিয়ামকে পরে অন্তত গুণ দেখায় এবং তিনি দুঃখ প্রকাশ করেন।

বিভিন্ন ছবিতে দেখা গেছে প্রিন্স হ্যারি সবসময় গাঢ় রংএর একটি মালা গলায় পরতেন, যা দেখা গেছে ইনভিস্টাস গেমসের বিভিন্ন অনুষ্ঠানের সময় এবং এমনকী ২০১৯এর সেপ্টেম্বরে তিনি যখন মেগানকে নিয়ে বিদেশ সফর করেন তখনও তার গলায় এই হার ছিল।

প্রিন্স হ্যারির বইয়ের প্রকাশক পেঙ্গুইন র্যানডম হাউস এখনও নিশ্চিত করেনি যে ফাঁস হওয়া এই বিবরণ হ্যারির আত্মকথা 'স্পেসয়ারের' প্রকৃত অংশবিশেষ কিনা। তবে প্রিন্স হ্যারি তার ভাইয়ের সাথে তার কঠিন সম্পর্ক নিয়ে সম্প্রতি কথাবার্তা বলেছেন।

হ্যারি এবং মেগান দম্পনিতিকে নিয়ে নেটওয়ার্কের তথ্য চিত্রে প্রিন্স হ্যারি তার ভাই এবং তার বাবা, বর্তমান রাজার সাথে তার সাক্ষাতের বর্ণনাও দিয়েছেন।

তাদের মধ্যে ওই বৈঠক হয়েছিল ২০২০এর গোড়ায় যে বৈঠকে ছিলেন প্রয়াত রানি দ্বিতীয় এলিজাবেথও। প্রিন্স হ্যারি সেটাকে বুক দূরদূর করা বৈঠক বলে বর্ণনা করেন।

আমার ভাই আমার ওপর প্রচণ্ড চিংকারটেচামেটি করছিল, এবং বাবা এমন সব কথা বলছিলেন যেগুলো আদৌ সত্যি নয় আর আমার দাদী সেখানে চূপ করে বসেছিলেন এবং মনে হচ্ছিল তিনি সব গলাধঃকরণ করছেন, তিনি বলেন।

গার্ডিয়ান বলছে, এপ্রিল ২০২০এ দাদা প্রিন্স ফিলিপের শেষকৃত্যানুষ্ঠানের পর সেসময় প্রিন্স অফ ওয়েলস, তার পিতা চার্লস ও ভাই প্রিন্স উইলিয়ামের সাথে বৈঠকের বিস্তারিত জানান প্রিন্স হ্যারি।

প্রিন্স হ্যারির আত্মকথা স্পেসয়ার প্রকাশের আগে আইটিভি টিভি চ্যানেলে দেয়া প্রিন্স হ্যারির একটি পূর্ণাঙ্গ সাক্ষাৎকার প্রচারিত হবে ৮ই জানুয়ারি। এই সাক্ষাৎকারে প্রিন্স হ্যারি বলেছেন আমি আমার বাবাকে আগের মত ফিরে পেতে চাই, আমি আমার ভাইকেও ফিরে পেতে চাই।

কিন্তু আইটিভির সাংবাদিক টম ব্রেডিকে প্রিন্স হ্যারি বলেন কিন্তু আপোষের কোনরকম লক্ষণই তারা দেখাচ্ছেন না, তবে এ প্রসঙ্গে কার কথা হ্যারি বলেছেন তা স্পষ্ট নয়।

বাকিংহাম প্রাসাদ এ বিষয়ে কোন মন্তব্য করেনি।

# পরবর্তী বিধানসভা অধিবেশনে গুয়াহাটি মহানগরে সিসিটিভি সংস্থাপন

সংস্থাপন করতে হবে। তাছাড়া তিন মাসের স্টোরেজ থাকা কি ধরনের সিসিটিভি সংস্থাপন করতে হবে সেটাও নির্দেশ দিবে সরকার। এমনকি পাঁচজনের উপর কর্মচারীর সংখ্যা থাকলে সরকারি কার্যালয় গুলোতেও বিভাগীয় নিজেদের খরচে সরকারের নির্দেশ অনুযায়ী সিসিটিভি সংস্থাপন করতে হবে বলে স্পষ্ট ভাষায় ঘোষণা করেছেন মুখ্যমন্ত্রী শর্মা।



গুয়াহাটি : গুয়াহাটি মহানগরে অপরাধমূলক ঘটনার ক্ষেত্রে নজরদারি জন্য ব্যাপকভাবে সিসিটিভি সংস্থাপনের পরিকল্পনা করেছে রাজা সরকার। তবে এক্ষেত্রে সরকার নিজস্বভাবে সিসিটিভি সংস্থাপন করার পাশাপাশি মহানগরের ব্যবসায়িক প্রতিষ্ঠানগুলোকে সিসিটিভি সংযোজন করতে বাধ্য করানো হবে বলে মন্তব্য করেছেন মুখ্যমন্ত্রী শর্মা।

তিনি জানান, পরবর্তী বিধানসভা অধিবেশনে এই সংক্রান্ত একটি বিল আনবে সরকার। এর ফলে গুয়াহাটি মহানগরে সরকার এবং বেসরকারি মিলিয়ে সিসিটিভির সংখ্যা হবে প্রায় এক লক্ষাধিক।

সাংবাদিকদের সঙ্গে মতবিনিময়ে মুখ্যমন্ত্রী বলেন, গত ডিসেম্বর মাসে মহানগরে অপরাধের সংখ্যা বৃদ্ধি পেয়েছিল। এক্ষেত্রে তিনি স্বয়ং চিন্তিত ছিলেন বলে উল্লেখ করে হিমন্ত বিশ্ব শর্মা বলেন অবশেষে নিজেদের সফলতার মাধ্যমে অপরাধ নিয়ন্ত্রণ করতে সক্ষম হয়েছে অসম পুলিশ। তবে গুয়াহাটিকে অপরাধমুক্ত হিসেবে গড়ে তোলার জন্য মহানগরে ব্যাপকভাবে সিসিটিভি সংস্থাপন করার পরিকল্পনা নেওয়া হয়েছে বলে মন্তব্য করেছেন তিনি।

মুখ্যমন্ত্রী হিমন্ত বিশ্ব শর্মা বলেন, এক্ষেত্রে সরকার নিজস্বভাবে দুই হাজার কিংবা তিন হাজার আলোচনা অব্যাহত রয়েছে। ফলে এই আইনে অন্যান্য গুরুত্বপূর্ণ বিষয় অন্তর্ভুক্ত হওয়ার সম্ভাবনা রয়েছে। সাধারণ মানুষের বাড়িতে সিসিটিভি সংস্থাপনের জন্য সরকার কোন ধরনের নির্দেশ না দিলেও বহুতল ফ্ল্যাট কিংবা বহুতল থাকা বাড়ি অথবা বিভিন্ন এ সিসিটিভি সংস্থাপনের প্রয়োজনীয়তা থাকবে কিনা সে ক্ষেত্রে পরবর্তীকালে সিদ্ধান্ত নেবে রাজা সরকার।

অন্যদিকে মহানগরে থাকা ইন্টিগ্রেটেড ট্রাফিক লাইট ব্যবস্থার মাধ্যমে নানাভাবে অপরাধ মূলক ঘটনা প্রতিরোধ সম্ভব হয়ে উঠেছে। এই ব্যবস্থায় অত্যাধুনিক প্রযুক্তি ব্যবহারের ফলে যে কোন বাহন সারা মহানগর জুড়ে চিহ্নিত করা সম্ভব হয়ে ওঠে বলে জানান মুখ্যমন্ত্রী হিমন্ত বিশ্ব শর্মা।

# প্রতীক হাজেলাকে বাঁচাতে প্রাক্তন বিচারপতি রঞ্জন গগৈ মুখ্যমন্ত্রীর তৈলমর্দন করছেন বলে অভিযোগ অসাম পাবলিক ওয়ার্কসের

সর্বস্বাস্থ্য শর্মা : অসমের এনআরসি প্রক্রিয়ার প্রাক্তন রাজা সমন্বয়ক প্রতীক হাজেলার কথা উল্লেখ করে সুপ্রিম কোর্টের প্রাক্তন মুখ্য বিচারপতি রঞ্জন গগৈর বিরুদ্ধে সরব হয়ে উঠেছে অসাম পাবলিক ওয়ার্কস। একমাত্র হাজেলাকে বাঁচাতে মুখ্যমন্ত্রীর তৈলমর্দন করছেন রঞ্জন গগৈ। এই গুরুত্বের অভিযোগ উত্থাপন করে প্রতীক হাজেলার বিরুদ্ধে তদন্তের দাবি জানিয়েছেন এপিডল্লিউ এর সভাপতি অভিজিৎ শর্মা।

শুক্রবার মহানগরে আয়োজিত সাংবাদিক বৈঠকে অসাম পাবলিক ওয়ার্কসের সভাপতি অভিজিৎ শর্মা বলেন, অসমে বর্তমান তৈলমর্দনের রাজনীতি চলছে। এরই অংশ হিসেবে সুপ্রিমকোর্টের প্রাক্তন মুখ্য বিচারপতি তথা রাজসভার সাংসদ রঞ্জন গগৈকে মুখ্যমন্ত্রীর তৈলমর্দনে ব্যস্ত থাকতে দেখা গেছে। তবে প্রাক্তন বিচারপতি রঞ্জন গগৈর তৈলমর্দনের মুখ্য উদ্দেশ্য হল এনআরসির দুর্নীতিতে জড়িত প্রতীক হাজেলাকে সেকর্গার্ড করা। এটা রঞ্জন গগৈর এক কৌশল বলে উল্লেখ করেছেন এপিডল্লিউর সভাপতি অভিজিৎ শর্মা।

এদিকে এনআরসি সংক্রান্ত বিষয়ে সবিস্তার তদন্ত করার দাবি জানিয়েছেন অভিজিৎ শর্মা। মূলত এনআরসি উন্নীতকরণ প্রক্রিয়ায় জড়িত প্রাক্তন সমন্বয়ক প্রতীক হাজেলার বিরুদ্ধে কঠোর পদক্ষেপ নেওয়ার দাবি জানিয়েছেন তিনি। তাছাড়া অতি শীঘ্র ই অসমে সঠিক এনআরসি প্রকাশের জন্য মুখ্যমন্ত্রী হিমন্ত বিশ্ব শর্মার প্রতি পদক্ষেপ নেওয়ার আহ্বান জানিয়েছেন অসাম পাবলিক ওয়ার্কসের সভাপতি অভিজিৎ শর্মা।

প্রসঙ্গত মুখ্যমন্ত্রী হিমন্ত বিশ্ব শর্মার রচিত মুখ্যমন্ত্রীর ডায়েরি প্রথম খন্ড শীর্ষক বইটি বৃহস্পতিবার অসম সচিবালয়ে আনুষ্ঠানিক উন্মোচন করেছিলেন সুপ্রিম কোর্টের প্রাক্তন মুখ্য বিচারপতি তথা রাজসভার সাংসদ রঞ্জন গগৈ। বই উন্মোচন করার পর নিজের বক্তব্যে তিনি মুখ্যমন্ত্রীর ব্যাপক প্রশংসা করেছিলেন মুখ্যমন্ত্রী হিমন্ত বিশ্ব শর্মা রাজনীতির পরিবর্তে আইন ক্ষেত্রে থাকলে তিনি আইনের দিকটির নেতৃত্ব করতে পারতেন বলে মন্তব্য করেছিলেন প্রাক্তন মুখ্য বিচারপতি। তাছাড়াও মুখ্যমন্ত্রীর প্রশংসায় পঞ্চমুখ হয়ে পড়েছিলেন রঞ্জন গগৈ। ফলে তার এই মুখ্যমন্ত্রীর প্রশংসাকে সহজ ভাষায় না নিয়ে এটাকে তৈলমর্দন বলে আখ্যা দিয়েছেন অসাম পাবলিক ওয়ার্কস এর সভাপতি অভিজিৎ শর্মা।

**AYUSH**

**INTERNATIONAL AYUSH SUMMIT KANYAKUMARI 2023**

A COMPREHENSIVE CONCLAVE ON HOLISTIC HEALTHCARE

27-29 JANUARY, 2023

@ VIVEKANANDA KENDRA

www.ayushsummit.com

+91 9567220042

AYUSH FOR HEALTHY LEAVING



## শেষবেলার রোমাঞ্চ মাটি করে দিল আলোকস্বল্পতা



**করাচি (গোয়েবডেস্ক) :** কী রোমাঞ্চ! বহুদিন পর ক্রিকেট বিশ্ব দেখল অসাধারণ রোমাঞ্চ ছড়ানো এক টেস্ট। পঞ্চম দিনের একদম শেষবেলায় করাচি টেস্টের ভাগ্য দুলাছিল পেপুলারের কাটা। একবার পাকিস্তানের দিকে ঝুঁক পড়ে তা আরেকবার নিউজিল্যান্ডের দিকে। সব রোমাঞ্চে জল ঠেলে দিয়েছে আলোর স্বল্পতা। দিনের খেলা ৩ ওভার যখন বাকি ছিল, পাকিস্তানের জয়ের জন্য প্রয়োজন ছিল ১৫ রান, হাতে ছিল ১ উইকেট। এমন সময়ে আস্পায়ার দুই দলের খেলোয়াড়দের সঙ্গে কথা বলে ম্যাচ ড্র ঘোষণা করেন। করাচি টেস্টের শেষ দিনের রোমাঞ্চ চূড়ায় পৌঁছায় যখন ম্যাচ শেষ হতে আর ৯ ওভার বাকি ছিল। সেই সময় হাতে ৩ উইকেট থাকা পাকিস্তানের জয়ের জন্য প্রয়োজন ছিল ৩৮ রান। পাকিস্তান কি পারবে ইতিহাস গড়তে এমন প্রশ্ন তখন উড়ছিল চারদিকে। করাচি টেস্ট জিততে পাকিস্তানের প্রয়োজন ছিল ৩১৯ রান। এ রান টপকে নিউজিল্যান্ডকে হারাতে হলে রেকর্ড গড়তে হবে বাবর আজমের দলকে। পাকিস্তানের মাটিতে সবচেয়ে বেশি রান ত্যাগ করে জয়ের রেকর্ড। এর আগে পাকিস্তানের মাটিতে সর্বোচ্চ রান ত্যাগ করে জয়ের রেকর্ডটি ছিল ৩১৪ রানের। ১৯৯৪ সালে এ করাচিতেই ৩১৩ রান ত্যাগ করে অস্ট্রেলিয়াকে পাকিস্তান হারিয়েছিল ১ উইকেটে।

সরফরাজ আহমদের দুর্দান্ত ব্যাটিংয়ে রেকর্ড গড়ে জয়ের স্বপ্নই দেখছিল পাকিস্তান। কিন্তু ম্যাচ শেষ হতে যখন ৮ ওভার বাকি, হাসান আলী এলবিডুল্ল হলে ফিরলেন। এর ১০ বল পর পাকিস্তানের তখন প্রয়োজন ৩২ রান, উইকেটে সরফরাজের সঙ্গে নাসিম শাহ। এমন সময়েই কি না মাইকেল ব্রেসওয়েলের বলে লেগ স্পিনে ক্যাচ দিয়ে ফিরলেন সরফরাজ। প্রশ্নটা তখন গেল ঘুরে পাকিস্তান কি পারবে করাচি টেস্ট বাঁচাতে?

করাচির ন্যাশনাল স্টেডিয়ামের গ্যালারি থেকে গোটা ক্রিকেট বিশ্বে তখন শুধু রোমাঞ্চ আর রোমাঞ্চ। নাসিম কিংবা আবরার আহমেদ, যিনিই ব্যাটিং করছেন, উইকেটকিপারসহ চারদিকে ১০ জন ফিল্ডার ঘিরে রেখেছেন। এর মধ্যে একেকটা বল নাসিম কিংবা আবরার ঠেকাচ্ছেন, গ্যালারিতে ছল্লাড় উঠেছে। এর মধ্যেই নাসিম ইনিংসের ৮৯তম ওভারে বল করতে আসেন ব্রেসওয়েল। নাসিমকে টোদিক থেকে ঘিরে রেখেছেন ফিল্ডাররা। এ সুযোগটা নিয়ে সেই ওভারে একটি করে ছয় ও চার মেরে দিলেন নাসিম। এরপর হিসাবটা দাঁড়ায় পাকিস্তানকে জিততে হলে করতে হবে ১৭ রান। পরের ওভারে ২ রান যোগ করেন আবরার। সেই সময় ৩ ওভারে পাকিস্তানের জিততে হলে করতে হতো ১৫ রান। আর ১ উইকেট নিতে পারলেই জিতে যেত নিউজিল্যান্ড। ঠিক সেই সময়েই কি না আলোর স্বল্পতা জল ঢেলে দিল সব রোমাঞ্চে। ড্র নিয়ে মাঠ ছাড়তে হয়েছে দুই দলের খেলোয়াড়দের। এর আগে পঞ্চম দিন সকালে পাকিস্তান ৩১৯ রানের জয়ের লক্ষ্যে ব্যাট করতে নামে ৮ উইকেট নিয়ে। আগের দিনের শেষবেলায় ২ উইকেট হারানো পাকিস্তানের স্কোরবোর্ডে তখনো কোনো রান জমা হয়নি। সেই সময় কেইবা ভাবতে পেরেছিলেন যে ম্যাচটি শেষবেলায় এসে এমন রোমাঞ্চ ছড়াবে। ম্যাচটি জিততে না পারলেও শেষ পর্যন্ত যে ড্র নিয়ে মাঠ ছাড়তে পেরেছে, এর জন্য পাকিস্তানের সমর্থকেরা

ধন্যবাদ দিতে পারেন সরফরাজকে। তাঁর অসাধারণ ব্যাটিংয়েই যে ম্যাচটি এ পর্যন্ত নিয়ে আসতে পেরেছে পাকিস্তান। ইমামউল হক আর শান মাসুদ দিনের শুরুটা ভালো করতে পারেননি। মাত্র ৩৫ রান যোগ করার পরই ভাগে পাকিস্তানের তৃতীয় উইকেট জুটি। ১২ রান করে আউট হয়ে ফেরেন ইমাম। অধিনায়ক বাবর আজমও ফিরে গেছেন দ্রুতই। ৪১ বলে ২৭ রান করে আউট হওয়ার আগে শান মাসুদের সঙ্গে চতুর্থ উইকেটে তিনি গড়েছেন ৪২ রানের জুটি। এরপরই উইকেটে আসেন সরফরাজ। উইকেটে এসে ১১তম বলেই থিতু হয়ে যাওয়া সঙ্গী শান মাসুদকে হারান। আউট হওয়ার আগে ৬৬ বলে ৩৫ রান করেছেন মাসুদ। ছোট ছোট ইনিংস খেলে অন্য প্রান্তে আউটের এ ধারা অব্যাহত থাকে পাকিস্তানের ব্যাটসম্যানদের। কিন্তু এক প্রান্ত আগলে ব্যাটিং করে যেতে থাকেন সরফরাজ। কঠিন উইকেটে দুর্দান্ত ব্যাটিং করে তুলে নেন টেস্ট ক্যারিয়ারের চতুর্থ সেঞ্চুরি। শেষ পর্যন্ত তিনি আউট হয়েছেন ১৭৬ বলে ১১৮ রান করে। ব্রেসওয়েলের বলে আউট হওয়ার আগে মেরেছেন ৯টি চার ও ১টি ছয়। ম্যাচ ড্র হওয়ার আগে পাকিস্তান তাদের দ্বিতীয় ইনিংসে ৯ উইকেটে তুলেছে ৩০৪ রান।

সরফরাজের উইকেটটিসহ পাকিস্তানের ৪ ব্যাটসম্যানকে ফিরিয়েছেন ব্রেসওয়েল। ২টি করে উইকেট নিয়েছেন টিম সাউদি ও ইশ সোদি। ম্যাচসেবার পুরস্কার জিতেছেন সরফরাজই। ০০তে ড্র হওয়া ২ টেস্টের সিরিজের সেরা খেলোয়াড়ও তিনিই।

## আর্জেন্টিনায় মেসির নামে নাম রাখার হার বেড়েছে ৭০০ শতাংশ

**প্যারিস :** ১৮ ডিসেম্বরের পর থেকে ফুটবলের গল্পটা লেখা হচ্ছে নতুনভাবে। শ্রেষ্ঠত্ব নিয়ে যেটুকু সন্দেহ ছিল, সেদিন বিশ্বকাপের ট্রফি উঁচিয়ে তাও মিটিয়ে দিয়েছেন লিওনেল মেসি। ফ্রান্সকে হারিয়ে আর্জেন্টিনার বিশ্বকাপ জেতার রেশ এখনো শেষ হয়নি। আর্জেন্টিনায় উৎসবের আমেজটা হয়তো থেকে যাবে আরও অনেক দিন। বিশ্বকাপ জয়ের মুহূর্তটা আর্জেন্টাইনরা স্মরণ করছে নানাভাবে। এমনকি দেশটির নবজাতকদের নামেও খোঁদাই হয়ে যাচ্ছে ঐতিহাসিক সেই ফণা!

যেখানে সদ্য ভূমিষ্ঠ সন্তানদের নাম রাখার ক্ষেত্রে সবচেয়ে বেশি প্রাধান্য পাচ্ছেন একজন মানুষ। কারও কারও কাছে তিনি আবার অতিমানবও। নামটা বলে না দিলেও চলছে। সেই নামটি হলো, লিওনেল মেসি।

সান্তা ফে প্রদেশের সিভিল রেজিস্ট্রি অনুসারে, গত ডিসেম্বরে জন্ম নেওয়া প্রতি ৭০ জন শিশুর একজনকে লিওনেল কিংবা লিওনেলা নামে নিবন্ধিত করা হয়েছে। যার উৎস মূলত আর্জেন্টাইন অধিনায়ক লিওনেল মেসি। এই সান্তা ফে প্রদেশের রোজারিও শহরে জন্ম মেসির। জানা গেছে, নবজাতকের জন্য মেসির নাম পছন্দ করার হার বেড়েছে ৭০০



শতাংশ। সেপ্টেম্বর পর্যন্ত প্রতি মাসে এই নামের নবজাতকের সংখ্যা ছিল ৬ জন করে। এই সংখ্যা ৩০ দিনে বেড়ে ৪৯ এ গিয়ে দাঁড়িয়েছে। শুধু মেসির নামেই নয়, সাম্প্রতিক সময়ে আর্জেন্টিনা দলের অন্য তারকাদের নামে নাম রাখার প্রবণতাও বেড়েছে অনেক। সান্তা ফে প্রদেশের সিভিল রেজিস্ট্রি অফিসের পরিচালক বিশ্বকাপ জেতা কিংবা বড় সাফল্য পাওয়া খেলোয়াড়দের নামে নাম রাখার ধারাটা অবশ্য বেশ পুরোনো। শুধু বিশ্বকাপ জেতা দেশেই নয়, অন্য দেশগুলোতেও নাম রাখার ক্ষেত্রে এই প্রভাব দেখা যায়। বাংলাদেশেও জিকো, রসি কিংবা জিদান নামগুলোর উৎসও তাই।

## পেলে যে পরিমাণ টাকা রেখে গেছেন

**ব্রাজিল :** ঘটনাটা ১৯৭০ বিশ্বকাপের। ব্রাজিলপেরুর কোয়ার্টার ফাইনাল ম্যাচ শুরু হবে। রেফারি ম্যাচ শুরুর বাঁশি বাজানোর আগমুহুর্তে পেলে বললেন, একটু অপেক্ষা করুন। জুতার ফিতে বেঁধে নিই। হাট্ট গড়ে বসে জুতা হাত দিলেন পেলে। ক্যামেরার 'জুম' করা দৃশ্যে দেখা গেল, ভালো করে জুতা পরে নিচ্ছেন পেলে। জুতাটা পুমা ব্র্যান্ডের। পরে জানা গিয়েছিল, সেদিন ওই মুহুর্তে জুতা বাঁধার জন্য আগেই পেলেকে ১ লাখ ২০ হাজার ডলারের প্রস্তাব দিয়ে রেখেছিল পুমা। এমনকি দৃশ্যটা ভালো করে দেখানোর জন্য ভালো পরিমাণের অর্থ দিয়েছিল ক্যামেরাম্যানকেও। জুতা প্রস্তুতকারক প্রতিষ্ঠান পুমার মতো পেলের মাধ্যমে পণ্যের প্রচার করেছে অন্যান্য বিশ্বখ্যাত প্রতিষ্ঠানও। ২৯ ডিসেম্বর ৮২ বছর বয়সে শেষ নিশ্বাস ত্যাগ করেন পেলে। ২২ বছরের ক্লাব কারিয়ার আর ১৪ বছরের আন্তর্জাতিক কারিয়ারে আয় একেবারে কম করেননি। তবে সেই আয় বিপুল অঙ্কের ছিল না। একাধিক সাক্ষাৎকারে ফুটবলের রাজা নিজেই বলেছেন, তাঁর আয়ের বেশির ভাগ ফুটবলের বুট জোড়া তুলে রাখার পর, 'আজকের দিনে যেমনটা

হয়, ফুটবল খেলে আমি অতটা ধনী হতে পারিনি। আমি খেলা ছেড়ে দেওয়ার পর বিজ্ঞাপন থেকে বেশি আয় করেছি। তবে তামাক, অ্যালকোহল, রাজনীতি বা ধর্মীয় অনুষ্ঠান থেকে কোনো উপার্জন আমি করিনি।' নিজের সময়ের সেরা হিসেবে দীর্ঘ খেলোয়াড়ি ক্যারিয়ার, এরপর বড় একটা সময়জুড়ে পৃথিবীর নানা প্রান্তে ছুটে বেড়ানো পেলে ছিলেন বিজ্ঞাপন বিশ্বের 'সেরা মাধ্যম'। সারা জীবনে তিনি ঠিক কী পরিমাণ সম্পদ গড়েছেন, তার সঠিক অঙ্ক পাওয়া মুশকিল। তবে দৃশ্যমান চুক্তি ও বাজার বিশ্লেষণ করে একটি হিসাব দাঁড় করিয়েছে সেলেব্রিটি নেট ওর্থ। পোর্টালটির মতে, পেলের মোট সম্পদের পরিমাণ আনুমানিক ১০ কোটি মার্কিন ডলার। এর বেশির ভাগই বাণিজ্যিক চুক্তির মাধ্যমে আয় করা। একই তথ্য জানিয়েছে স্প্যানিশ ক্রীড়া সংবাদমাধ্যম মার্কাও। তাদের খবরে বলা হয়, মৃত্যুর সময় ১০ কোটি ডলার (বাংলাদেশি মুদ্রায় প্রায় ১ হাজার ৪৪ কোটি টাকা) সম্মুখের সম্পদ রেখে গেছেন পেলে। কারিয়ারের শেষ বেলায় যুক্তরাষ্ট্রে খেলতে গিয়েছিলেন পেলে। নাম লিখিয়েছিলেন নিউইয়র্ক কসমসে। তিনবার

বিশ্বকাপজয়ীকে বছরপ্রতি ২৮ লাখ মার্কিন ডলার দিত কসমস। যা ওই সময়ের সর্বোচ্চ ছিল। ২০১৫ সালে ফোর্বসের একটি প্রতিবেদনে উল্লেখ করা হয়, ১৯৭৫-৭৭ সময়ে পেলে বছরে যা আয় করতেন, এ সময় তা দেড় কোটি ডলারের সমপরিমাণ। গত সাত বছরে যা আরও বেড়েছে। পুমা ছাড়াও ভল্লগোয়ান, প্রস্টার অ্যান্ড গান্ডল, সাবওয়ে, এমিরেটস এয়ারলাইন্সের সঙ্গে বাণিজ্যিক চুক্তি ছিল পেলের। ২০১৪ সাল থেকে ব্রাজিল সরকারের কাছ থেকে পেনশন পেতেন পেলে। ইতালিয়ান সংবাদমাধ্যম কোরেইয়েরে দেলা সেরার খবর অনুসারে, প্রতি মাসে ৩০০ রেইস করে পেনশন পেতেন পেলে, মার্কিন মুদ্রায় যা ৫৬৭ ডলারের সমপরিমাণ। ব্রাজিলিয়ান ম্যাগাজিন ভেজাকে দেওয়া এক সাক্ষাৎকারে পেনশনার হিসেবে অন্যান্য সুবিধার কথাও জানিয়েছিলেন পেলে। বলেছিলেন সিনেমা দেখা, গণপরিবহন ব্যবহারে অর্ধেক ও পূর্ণ ছাড় পান তিনি।



Compra Ahora

[www.indiyfashion.com](http://www.indiyfashion.com)

indi y fashion

La India habla su modo indio

**Nuevas colecciones**

Ropa India y Accesorios • Vestido • Vestido Superior

• Faldas, Partalon Cubieratade couison, Zapatos,

Lámpara • Bolso/Cartera Y otros Accesorios

.....y muchos más

**Akki Media y Ropa India spa**

IMPORTADORA

IMPORTACION/VENTA DE ROPA INDIA Y ACCESORIES

SALVADOR BANFUENTES # 2647, MALL PLAZA LILA MALL, LOCAL No. 201

Fono: +932930142, WhatsApp: +91 9958050095

<https://www.facebook.com/INDIYFASHION/>

facebook | twitter | Instagram

**IMPORTACIÓN DIRECTA DE INDIA**

**ELIJA SU ESTILO**

**RASIKA**

clothing line

Made in India



বলিউডের ওপরে নজরদারি চালাবে ভারতের 'ধর্ম সেন্সর বোর্ড'



নয়া দিল্লি : হিন্দুদের অন্যতম শীর্ষ ধর্মগুরু শঙ্করাচার্য স্মারী অভিমুক্তেশ্বরানন্দ দিল্লিতে এক সংবাদ সম্মেলন করে ঘোষণা করেছেন যে হিন্দুদের ধর্মীয় ভাবাবেগের ওপরে আঘাত দিতে পারে, এমন সিনেমা, সিরিয়াল, নাটক, বই - সবকিছুর ওপরে নজর রাখার জন্য একটা বেসরকারি সেন্সর বোর্ড তৈরি করছেন তিনি। তার কথায়, যখন কোনও সিনেমায় কোনও ধর্মকে খাটো করে দেখাতে হয়, সেটা হিন্দু ধর্মকেই দেখানো হয়। আর অন্যান্য ধর্মগুলিকে ভালভাবে চিত্রায়িত করা হয়। বলিউড, টিভি সিরিয়াল, ওটিটি প্ল্যাটফর্ম - সব জায়গাতেই হিন্দু দেবদেবীদের লাগাতার অপমান করে যাওয়া হচ্ছে। এটা আটকাতেই ধর্ম সেন্সর বোর্ড তৈরি করা হচ্ছে। এই হিন্দু ধর্মগুরু তৈরি 'সেন্সর বোর্ডে' ১১ জন সদস্য থাকবেন বলে জানানো হয়েছে, যাদের মধ্যে সুপ্রিম কোর্টের আইনজীবী, ধর্মীয় গুরু, মিডিয়া প্রতিনিধি, ইতিহাসবিদ আর ফিল্ম জগতের মানুষ - সবাই থাকবেন। স্মারী অভিমুক্তেশ্বরানন্দের কথায়, সিনেমা, সিরিয়াল বা ওটিটি প্ল্যাটফর্মগুলিতে ধর্মীয়

চরিত্র, সংলাপ, রং, তিলক আর স্ক্রিপ্ট পরীক্ষা করে দেখা হবে। যদি কোনও জায়গায় দেখা যায় যে হিন্দু ধর্ম, বেদ পুরাণের বর্ণনার অপব্যাখ্যা করা হচ্ছে, তাহলে এই সেন্সর বোর্ড প্রয়োজনীয় ব্যবস্থা নেবে। চলচ্চিত্র বা সিরিয়াল নির্মাতাদের কাছে ওই হিন্দু ধর্মগুরু আবেদন করছেন যে তারা যেন কোনও ছবি বা সিরিয়াল তৈরি করার আগেই এই বোর্ডের সঙ্গে পরামর্শ করে নেন, যাতে পরে আর কোনও সমস্যা না হয়। এই বোর্ডটির পরামর্শদাতা হিসাবে রাখা হয়েছে বলিউডের চিত্র পরিচালক তরুণ রাঠিকে। কেন এই 'ধর্ম সেন্সর বোর্ড'? তরুণ রাঠি জানাচ্ছিলেন, এই সেন্সর বোর্ড একদিক থেকে চলচ্চিত্র শিল্পকে সাহায্যই করবে। কেননা, কয়েকশো কোটি টাকা খরচ করে কেউ কোনও সিনেমা বানালেন, তারপরে দেখা গেল হিন্দু সমাজ সেটাকে বয়কট করছে। তখন তো প্রযোজকেরই ক্ষতি। সেই ক্ষতি এড়ানোর জন্যই বোর্ডের সঙ্গে আলোচনার কথা বলা হচ্ছে। কিন্তু ভারতে তো একটা সরকার নিয়ন্ত্রিত ফিল্ম সার্টিফিকেশন বোর্ড রয়েছে, যাদের ছাড়পত্র ছাড়া কোনও

করে আটকানো যায় না। কিন্তু একজন ফিল্ম ডিরেক্টর হিসাবে এবং একজন বিজেপি কর্মী হিসাবে বলব, কোনও ধর্মীয় ভাবাবেগকেই যেন আঘাত না করা হয় - শুধু হিন্দুদের নয়, মুসলমান, খ্রিস্টান বা যে কোনও ধর্মের আবেগকেই আঘাত করা উচিত নয়, বলছিলেন বিজেপি নেত্রী ও চলচ্চিত্র নির্মাতা সঞ্জয়মিত্রা চৌধুরী। ভারতীয় চলচ্চিত্র নির্মাতাদের সঙ্গে হিন্দুধর্মবাদের বিরোধ নতুন নয়। শাহরুখ খান - দীপিকা পাডুকোন অভিনীত 'পাঠান' সিনেমার এক দৃশ্য নিয়ে ইতিমধ্যেই বিতর্ক চলছে ভারতে। হিন্দুধর্মবাদী সংগঠনগুলো বলছে ওই ছবির একটি দৃশ্যে দীপিকা পাডুকোন গেরুয়া রঙের বিকিনি পরে গান করেছেন, যেটা হিন্দুদের ধর্মীয় ভাবাবেগে আঘাত দিয়েছে। ওই ছবির বেশ কিছু দৃশ্য না বদলালে সেটিকে মুক্তি পেতে দেওয়া হবে না, এমন হুমকিও দেওয়া হয়েছে। ভারতের সরকারি সেন্সর বোর্ড নির্দেশ দিয়েছে পাঠান সিনেমার কিছু দৃশ্য পরিবর্তন করতে, কিন্তু সেগুলি ঠিক কোন দৃশ্য, সে ব্যাপারে খোলাসা করে কিছু বলা হয় নি। 'পাঠান' এর আগে 'আদিপুরুষ' নামে একটি ফিল্ম নিয়েও হিন্দুধর্মবাদীরা আপত্তি তুলেছিলেন। তারও আগে 'কালী', 'পদ্মাবত', 'ব্রহ্মাস্ত্র', 'লক্ষ্মী'র মতো একাধিক সিনেমা নিয়ে বিতর্ক তৈরি হয়েছে। হিন্দুধর্মবাদীরা কোথাও সিনেমা হলে গিয়ে বিক্ষোভ দেখিয়েছে, কোথাও ছবির নির্মাতাদের সম্মুখেই সেটে হামলা হয়েছে। হিন্দু সাধু সন্তদের সর্বোচ্চ সংগঠন অখিল ভারতীয় সন্ত সমাজ তাদের এক সাম্প্রতিক বৈঠকে সরাসরিই বলেছিল যে বলিউড আসলে হিন্দু বিরোধী।

মুখ্যমন্ত্রী হিমন্ত বিশ্ব শর্মার রচিত 'মুখ্যমন্ত্রীর ডায়েরি ১' শীর্ষক বই উন্মোচন করলেন সুপ্রিম কোর্টের প্রাক্তন মুখ্য বিচারপতি রঞ্জন গগৈ



সব্যসাচী শর্মা গুয়াহাটি : মুখ্যমন্ত্রী হিসেবে নিজের 'দৈনন্দিন কাজকর্মের খতিয়ান তুলে ধরে বই আকারে সেটা লিখে প্রকাশ করলেন মুখ্যমন্ত্রী হিমন্ত বিশ্ব শর্মা। এই বইয়ের আনুষ্ঠানিক উন্মোচন করেছেন সুপ্রিম কোর্টের প্রাক্তন মুখ্য বিচারপতি তথা রাজসভার সাংসদ রঞ্জন গগৈ। বৃহস্পতিবার দিসপুর স্থিত অসম সচিবালের প্রেক্ষাগৃহে আয়োজিত এক গাণ্ঠীপূর্ণ অনুষ্ঠানে 'মুখ্যমন্ত্রীর ডায়েরি ১' নামের বইটি উন্মোচন করা হয়েছে। এক্ষেত্রে নিজের বক্তব্য তুলে ধরে হিমন্ত বিশ্ব শর্মা বলেন, ১০ মে তিনি মুখ্যমন্ত্রী হিসেবে দায়িত্ব নিয়েছিলেন। দায়িত্বভার নেওয়ার পরেই জুলাই মাসে বর্তমান সাংসদ পবিত্র মার্গারিটা তাকে নিয়মিত ডায়েরি লেখার আহ্বান জানিয়েছিলেন। তবে প্রথম দিকে বিষয়টির প্রতি গুরুত না দিলেও পরে এক্ষেত্রে ইতিবাচক সিদ্ধান্ত নিয়েছিলেন বলে জানান তিনি। মুখ্যমন্ত্রী বলেন, গত বছর ১০ মে সরকারের এক বছর কার্যকাল পূর্ণ হলেও বইটিতে রয়েছে মোট ১১ মাসের তথ্য। তবে পরবর্তীকালে বইটির অন্যান্য খণ্ডগুলো ১২ মাসের তথ্য সহকারে প্রকাশ করা হবে। মুখ্যমন্ত্রী বলেন, ইতিমধ্যে রাজ্যে বহু উল্লেখযোগ্য ঘটনা ঘটে গেছে। প্রতিবেশী চীনের সেনাবাহিনী রাজ্যে প্রবেশ করা থেকে শুরু করে বৃহৎ ভূমিকম্প, জরুরী কালীন অবস্থা, অসম আন্দোলন, বিদেশি নাগরিক সমস্যা, আলফা সরকারের বার্থ আলোচনা, অসম চুক্তি, বড়ো চুক্তি ইত্যাদি বহু ঘটনা সংঘটিত হয়েছে অসমে। অসম চুক্তি সংক্রান্ত বহু গোপন তথ্য এখনো জনসমক্ষে প্রকাশ পায়নি। তবে তার এই কার্যকালে একটিও বড় কিংবা উল্লেখযোগ্য ঘটনা ঘটে নি। ফলে এই ডায়েরিতে নিত্য দৈনন্দিন কিছু ঘটনা সন্নিবিষ্ট করা হয়েছে। তবে যেহেতু মুখ্যমন্ত্রী হিসেবে গোপনীয়তার শপথ নেওয়া হয়েছে ফলে যতটুকু প্রকাশ করা যায় সেটাই প্রকাশ করা হয়েছে।

তাছাড়া তার ব্যক্তিগত জীবনের কোন ঘটনা এই বইয়ে নেই। তবে পরোক্ষভাবে উদাহরণ হিসেবে কিছু তথ্য এসে গেছে বলে উল্লেখ করেছেন মুখ্যমন্ত্রী হিমন্ত বিশ্ব শর্মা। তিনি বলেন, হিমন্ত এবং মুখ্যমন্ত্রী দুই পৃথক। মুখ্যমন্ত্রী একটি প্রতিষ্ঠান স্বরূপ অথচ হিমন্ত একজন ব্যক্তি বিশেষ। ফলে মুখ্যমন্ত্রী যেভাবে রাজ্যের প্রতিনিধিত্ব করে সেইভাবে হিমন্ত প্রতিনিধিত্ব করে একজন ব্যক্তির। এক্ষেত্রে তিনি সম্পূর্ণ সজাগ বলে উল্লেখ করেন মুখ্যমন্ত্রী। অন্যদিকে দৈনন্দিন কাজকর্মের সময় প্রতিদিন কয়েকজন ব্যক্তির সঙ্গে বারবার দেখা হয়। ফলে সেই ব্যক্তিদের নাম অন্তর্ভুক্ত করা হয়নি। তাছাড়া স্মরণশক্তির কিছুটা অভাব ঘটায় অনেক নাম ইচ্ছা থাকলেও উল্লেখ করা যায়নি বলে মতামত ব্যক্ত করেছেন তিনি। পাঠক সমাজ এই বইটি আপন করে নেবেন বলে আশা প্রকাশ করেন মুখ্যমন্ত্রী হিমন্ত বিশ্ব শর্মা। এদিকে বইটির উন্মোচন করে সুপ্রিম কোর্টের প্রাক্তন মুখ্য বিচারপতি তথা রাজসভার সাংসদ রঞ্জন গগৈ বলেন, মুখ্যমন্ত্রী হিমন্ত বিশ্ব শর্মা ওকালতি থেকে সরে দাঁড়ানোর ফলে আইন ব্যবস্থার ক্ষতি হয়েছে অথচ লাভাভিত হয়েছিল রাজনীতি। তিনি আজ আইনের সঙ্গে জড়িত থাকলে এই ক্ষেত্রে নেতৃত্ব দিতে পারতেন বলে মন্তব্য করেছেন সুপ্রিম কোর্টের প্রাক্তন মুখ্য বিচারপতি। তিনি বলেন মুখ্যমন্ত্রী এবং হিমন্ত পৃথক নয়, দুটি একই। মুখ্যমন্ত্রী হিসাবে আজ হিমন্ত বিশ্ব শর্মা দায়িত্ব রয়েছেন বলেই মুখ্যমন্ত্রীর আসনের মহিমা বৃদ্ধি পেয়েছে। বই উন্মোচনায় অনুষ্ঠানে মুখ্যমন্ত্রীর মাতৃ মৃগালিনী দেবী, পত্নী রিনি কি ভূইয়া, শ্রমী, মন্ত্রী পরিষদ, সঙ্কল্পবন্দা, মন্ত্রী অতুল বরা, মন্ত্রী কেশব মহন্ত, রাজ্য সরকার শিক্ষা উপদেষ্টা ননীগোপাল মহন্ত, সাংসদ পবিত্র মার্গারিটা, রাজ্যের চারটি রাজ্য বিশ্ববিদ্যালয়ের উপাচার্য প্রমুখ সমাজের গণ্যমান্য ব্যক্তির উপস্থিতি ছিলেন।

বলিউড তারকা শাহরুখ দীপিকার 'গাঠান' ভারতে বিতর্কের মুখে

নয়া দিল্লি (এজেন্সী) : বলিউডের সুপারস্টার শাহরুখ খানের আসন্ন মুক্তি 'পাঠান'কে ঘিরে ভারতের হিন্দুধর্মবাদীদের প্রতিবাদ ক্রমেই আরও জোরালো হচ্ছে। গুজরাটের আহমেদাবাদ শহরের একটি মলে বুধবার পাঠানের পোস্টার ছিঁড়ে, ভাঙচুর করে ও শাহরুখের ছবিতে লাথি মেরে প্রতিবাদ জানানো হয়েছে। গত মাসে পাঠান ছবির একটি গান, 'বেশরম রং'য়ের মুক্তির পর থেকেই এই ছবিটিকে ঘিরে বিতর্ক তুঙ্গে, এখন ছবিটিকে বয়কট করারও ডাক দেওয়া হচ্ছে দেশের নানা প্রান্তে। ওই গানের চিত্রায়নে অভিনেত্রী দীপিকা পাডুকোন কেন গেরুয়া রংয়ের ছোট পোশাক পরে মুসলিম

একজন নায়কের (শাহরুখ খানের) সঙ্গে নেচেছেন এবং হিন্দুধর্মের অবমাননা করেছেন - সোশ্যাল মিডিয়াতে হিন্দুধর্মবাদীরা এই ধরনের অভিযোগ তুলে আসছেন বেশ কিছুদিন ধরেই। গতকাল বিকেলে উগ্র হিন্দুধর্মবাদী সংগঠন বজরং দল ও বিশু হিন্দু পরিষদের বেশ কয়েকজন কর্মী গলায় গেরুয়া স্ফার্ক বুলিয়ে গুজরাটের প্রধান শহর আহমেদাবাদের একটি মলে হামলা চালান, যেখানে একটি থিয়েটারে 'পাঠান' ছবিটির মুক্তি পাওয়ার কথা। ওই কর্মীরা পাঠান ছবির পোস্টার খুলে সেগুলো ফালফালি করে ছিঁড়ে ফেলেন, সিনেমা হলের সম্পত্তি ভাঙচুর করেন এবং শাহরুখ খান ও দীপিকা পাডুকোনের ছবিতেও তাদের

লাথি মারতে দেখা যায়। বজরং দলের টুইটার অ্যাকাউন্ট থেকেই পরে তাদের চালানো এই হামলার ভিডিও পোস্ট করা হয়। গুজরাটে বিশু হিন্দু পরিষদের মুখপাত্র হিতেন্দ্রসিং রাজপুত বার্তা সংস্থা পিটিআইকে বলেন, আমরা কিছুতেই গুজরাটে পাঠান ছবিটির স্ক্রিনিং হতে দেব না। মি রাজপুত আরও জানান, বুধবারের হামলা ছিল রাজ্যের সব থিয়েটার হল মালিকের প্রতি তাদের 'হুঁশিয়ারি' - যাতে তারা তাদের হলে 'পাঠান' দেখানোর সাহস না পান! এর আগে মধ্যপ্রদেশের বিজেপি সরকারও আভাস দিয়েছে, ছবির বিতর্কিত দৃশ্যগুলো ছাড়া না হলে তাদের রাজ্যে 'পাঠান' ছবিটি নিষিদ্ধ করা হতে পারে।

কোরোনা থেকে সাবধানে থাকুন... ১. সঠিকভাবে হাত ধোওয়া... ২. মাস্ক পরা... ৩. সঠিকভাবে সর্পিট করা... ৪. সঠিকভাবে সর্পিট করা... ৫. সঠিকভাবে সর্পিট করা...

শাহরুখ দীপিকার 'গাঠান' ভারতে বিতর্কের মুখে... ১. শাহরুখ দীপিকার 'গাঠান' ভারতে বিতর্কের মুখে... ২. শাহরুখ দীপিকার 'গাঠান' ভারতে বিতর্কের মুখে... ৩. শাহরুখ দীপিকার 'গাঠান' ভারতে বিতর্কের মুখে...

জাতীয় খবর... Publish your Rashtriya Khabar classified ads from your laptop! Only in 3 simple steps. Select Edition, Make Your Ad, Pay. and its Published!!! Adfromhomes.com